

2025/26

PTLC

Ffurflen gais am Fenthyciad Ffioedd
Dysgu a Grant Cwrs ar gyfer
myfyrwyr rhan-amser sy'n parhau

Rydym yn croesawu ceisiadau Cymraeg. Ni fydd ymgeisio yn Gymraeg yn oedi eich cais.

Gallwch wneud cais ar-lein hefyd yn www.cyllidmyfyrwryrcymru.co.uk

Ynglŷn â'r nodiadau hyn

Dylid darllen y nodiadau hyn ar y cyd â ffurflen gais am Fenthyciad Ffioedd Dysgu a Grant Cwrs ar gyfer myfyrwyr rhan amser.

Dychwelyd eich ffurflen

Dychwelwch eich ffurflen wedi'i llenwi ac unrhyw ddogfennau at:

Cyllid Myfyrwyr Cymru
Blwch Post 211
Cyffordd Llandudno
LL30 9FU

Amserlen dychwelyd eich ffurflen

Dylech ddychwelyd eich ffurflen o fewn 9 mis cyn dechrau'r flwyddyn academiaidd, neu fel arall, gallech golli eich hawl i gael cyllid i fyfyrwyr.

Cofiwch dalu'r tâl postio cywir.

Rhagor o wybodaeth

Gallwch gael rhagor o wybodaeth am gyllid i fyfyrwyr rhan amser trwy:

- droi at www.cyllidmyfyrwryrcymru.co.uk
- ddarllen ein canllawiau ar gyfer myfyrwyr rhan amser
- siarad â'ch prifysgol neu goleg
- ein ffonio ar **0300 200 4050**

Gwybodaeth arall

Fformatau eraill

Gallwch archebu ffurflenni a chanllawiau Braille, print bras neu sain trwy anfon e-bost gyda'ch enw, eich cyfeiriad, a'ch Cyfeirnod Cwsmer ynghyd â manylion y ffurflen a'r fformat yr hoffech gael at brailleandlargefonts@slc.co.uk neu gallwch ein ffonio ar **0141 243 3686**. Sylwer, dim ond ceisiadau am ffurflenni a chanllawiau ar ffurfiau amgen y gall y cyfeiriad e-bost a'r rhif ffôn uchod ddellio â nhw.

1 Eich manylion personol

1.1 Cyfeirnod Cwsmer



Eich Cyfeirnod Cwsmer yw'ch cyfeirnod personol ac mae'n cynnwys 11 digid. Bydd gennych un o'r rhain os ydych eisoes wedi cael benthyciad neu unrhyw gyllid arall i fyfyrwyr gan y Cwmni Benthyciadau i Fyfyrwyr Cyf (SLC). Efallai bod gennych chi rif os ydych wedi rhannu gwybodaeth ariannol at ddiben cais myfyriwr arall. Os nad oes gennych un, neu os na wyddoch eich Cyfeirnod Cwsmer, gadewch hyn yn wag.

1.2 Manylion personol



Bydd angen i chi anfon eich:

- Gweithred newid enw, os yw'n briodol.
- Tystysgrif priodas/ysgariad, os yw'n briodol.
- Tystysgrif partneriaeth sifil/gorchymyn diddymu, os yw'n briodol.
- Gorchymyn terfynol neu amodol, os yw'n briodol.

1 Eich manylion personol – parhad

1.5 & 1.6

Lluoedd Arfog



Efallai eich bod yn gymwys i gael cymorth i astudio cwrs dysgu o bell y tu allan i Gymru os ydych chi neu aelod o'ch teulu (yr ydych yn byw gyda nhw) yn gwasanaethu y tu allan i Gymru ar hyn o bryd yn un o'r canlynol:

- Y Gwasanaeth Llyngesol (y Llynges Frenhinol a'r Môr-filwyr Brenhinol)
- Y Fyddin
- Yr Awyrlu Brenhinol
- Yr Heddlu Milwrol Brenhinol
- Y Gyrcas

Bydd yr aelodau teulu canlynol yn fyfyrwyr cymwys:

- Plentyn, llys-blentyn neu blentyn wedi'i fabwysiadu sy'n byw gydag aelod o Lluoedd Arfog y Deyrnas Unedig sy'n gwasanaethu y tu allan i Gymru
- Plentyn, llysblentyn neu blentyn mabwysiadol yn byw gydag aelod o Lluoedd Arfog y Deyrnas Unedig sy'n gwasanaethu dramor
- Rhiant dibynnol sy'n byw gyda;
 - Phlentyn sy'n aelod o Lluoedd Arfog y Deyrnas Unedig sy'n gwasanaethu y tu allan i Gymru
 - Cymar neu bartner sifil y plentyn sy'n aelod o Lluoedd Arfog y Deyrnas Unedig sy'n gwasanaethu y tu allan i Gymru



Os ydych chi yn y Lluoedd Arfog

Bydd angen i chi anfon llythyr sy'n cadarnhau'ch enw, eich cyfeiriad (neu gyfeiriad BFPO) a'r wlad yr oeddech yn byw ynddi yn wreiddiol cyn i chi fod yn eich lleoliad cyfredol. Mae'n rhaid iddo hefyd gadarnhau'r wlad rydych chi wedi'i leoli ar hyn o bryd.

Os yw'r aelod o'ch teulu yn y Lluoedd Arfog, bydd angen i chi anfon llythyr sy'n cadarnhau'r canlynol:

- ei enw
- ei gyfeiriad (neu gyfeiriad BFPO)
- eich enw chi
- ei berthynas gyda chi
- lle maent yn seiliedig ar hyn o bryd
- os ydych chi wedi bod yn byw yn y Deyrnas Unedig fel arfer, ym mha wlad oedd yn byw ynddi'n wreiddiol cyn bod yn ei leoliad cyfredol
- os nad ydych chi fyth wedi bod yn preswyllo yn y Deyrnas Unedig fel arfer, y wlad yr ymunodd â'r Lluoedd Arfog ohoni

Rhaid i'r llythyr a anfonwch gael ei lofnodi, stampio a dyddio gan Swyddfa Cofnodion Uned y Lluoedd Arfog.

2 Ynglŷn â'ch prifysgol neu'ch coleg a'ch cwrs

2.1 Swm Ffioedd Dysgu a godir



Os nad ydych yn siŵr faint a godir arnoch am ffioedd dysgu, siaradwch gyda'ch prifysgol neu goleg i gael gwybod. Rhaid i chi ddynodi swm er mwyn i'ch ffurflen gael ei derbyn.

2.6 Erasmus



Os ydych chi'n cwblhau lleoliad yn rhan o'r Cynllun Turing neu'r rhaglen Erasmus+, ni fyddwch yn gymwys ar gyfer ffioedd addysgu.

3 Eich cais am fenthyciad

3.1 Taliadau'r benthyciad



Byddwn ni'n talu eich Benthyciad Ffioedd Dysgu yn uniongyrchol i'ch prifysgol neu'ch coleg mewn tri rhandaliad yn ystod y flwyddyn academiaidd. Gwneir taliad cyntaf y Benthyciad Ffioedd Dysgu ar ôl i ni gael cadarnhad gan eich prifysgol neu'ch coleg eich bod yn mynychu eich cwrs.

Bydd uchafswm y benthyciad y gallwch ei fenthycu yn dibynnu ar ble rydych chi'n astudio.

Atebolrwydd am fenthyciadau



Byddwch yn atebol am eich Benthyciad Ffioedd Dysgu bythefnos wedi diwrnod cyntaf tymor 1, ac ar ddechrau tymhorau 2 a 3, nid y dyddiadau pryd telir y rhandaliadau i'ch prifysgol neu goleg.

Atebolrwydd	% o gyfanswm y Benthyciad Ffioedd Dysgu y byddwch chi'n atebol amdano
Tymor 1	25%
Tymor 2	50%
Tymor 3	100%

Llog



Ychwanegir llog at falans eich benthyciad o'r diwrnod y telir rhandaliad cyntaf y benthyciad i'ch prifysgol neu'ch coleg. Gallwch gael rhagor o fanylion am hyn a'r gyfradd llog bresennol yn www.gov.uk/repaying-your-student-loan

Newid cyfanswm eich benthyciad



Gallwch newid cyfanswm y benthyciad y gofynnoch amdano yn wreiddiol trwy lenwi Ffurflen Cais am Fenthyciad Ffioedd Dysgu. Mae'r ffurflen Cais am Fenthyciad Ffioedd Dysgu ar gael i'w llwytho i lawr ar www.cyllidmyfyrwrycymru.co.uk neu ffoniwch ni ar **0300 200 4050** i ofyn am gopi.

4.1 Statws priodasol

Wedi gwahanu, ysgaru
neu bartneriaeth sifil
wedi'i diddymu



Diffinnir eich partner fel a ganlyn:

- eich gŵr/gwraig
- eich partner sifil
- eich partner o'r rhyw arall os ydych yn byw gyda'ch partner fel pe baech yn briod **neu**
- eich partner o'r un rhyw os ydych yn byw gyda'ch partner fel pe baech chi mewn partneriaeth sifil.

Os ydych chi wedi dechrau partneriaeth sifil dramor neu berthynas cyfreithiol cyfwerth â phartner o'r un rhyw, byddwn yn cysylltu â chi i'ch hysbysu a gaiff hyn ei gydnabod at ddibenion cyllid i fyfyrwyr.



Dim ond os ydych chi wedi cefnogi cais o'r blaen ac mae eich statws priodasol wedi newid y mae angen i chi anfon tystiolaeth.

Bydd angen i chi anfon:

- Archddyfarniad Absoliwt **neu**
- Orchymyn diddymu **neu**

5 Manylion ariannol

5.1 Budd-daliadau'r wladwriaeth



Os nad ydych chi'n briod neu mewn partneriaeth sifil, ond yn byw gyda phartner, byddwn yn ystyried incwm eich partner os oes gennych chi bartner yn unol â'r eglurhad yn rhan 6.1 y nodiadau hyn.

Os yw eich gŵr, gwraig, partner sifil neu bartner yn dymuno darparu gwybodaeth am incwm ar wahân, gall lawrlwytho copi o'r ffurflen hon o

www.cyllidmyfyrwycymru.co.uk neu gall ein ffonio ar **0300 200 4050** i ofyn am gopi.



Bydd angen ichi anfon:

- Llungopi o'r ddogfen wreiddiol a gawsoch gan yr asiantaeth neu'r awdurdod yn eich hysbysu am y budd-dal, **neu**
- ffurflen Cadarnhau Budd-daliadau (CB1) wedi'i llenwi ac wedi'i chynnwys gyda'r cais hwn. Lawrlwythwch ffurflen CB1 yn **www.cyllidmyfyrwycymru.co.uk** neu ffoniwch ni ar **0300 200 4050** i ofyn am gopi **neu**
- lythyr o'ch Swyddfa Treth Cyngor Lleol yn cadarnhau eich gostyngiad yn y Dreth Gyngor.

5.2 Incwm gros o gyflogau



Mae eich incwm gros yn golygu incwm cyn didyniadau o:

- gyflogau
- taliadau goramser
- bonysau a/neu
- gomisiwn.

Mae arnom ni angen y ffigyrau yma am flwyddyn dreth 2024-25, ac fel arfer bydd hyn yn golygu'r flwyddyn a ddaeth i ben ar 5 Ebrill 2025, ond gall fod yn wahanol os oes gan eich cyflogwr neu'ch busnes flwyddyn dreth na ddaw i ben ym mis Ebrill, neu os byddwch chi'n cychwyn eich cwrs yng Ngorffennaf.

Dylech chi hefyd gynnwys unrhyw incwm a gawsoch chi yn 2024-25 o gyflogaeth dramor neu unrhyw incwm a gewch chi o dramor sydd heb ei gwmpasu gan dreth y DU, yn ogystal ag unrhyw fudd-daliadau y gofynnir amdanynt.

Peidiwch â chynnwys unrhyw un o'r canlynol:

- unrhyw ad-daliadau treth personol
- taliadau o dan gyfamod **neu**
- incwm di-dreth.



Gall tystiolaeth o'ch enillion gynnwys:

- llungopi o P60 2024-25

neu

- lungopiau o slipiau talu ar gyfer mis 12 neu wythnos 53 yn dangos 'Cyfanswm a dalwyd hyd yma' ar gyfer enillion yn y cyfnod 6 Ebrill 2024 i 5 Ebrill 2025 **neu**
- llythyr wedi'i lofnodi gan eich cyflogwr yn cadarnhau eich enillion. Dylai'r llythyr fod ar bapur pennawd y cwmni a dylai gadarnhau eich cod treth hefyd **neu**
- datganiad o enillion gan Gyllid a Thollau ei Mawrhydi (HMRC) **a/neu**
- manylion ysgrifenedig yr holl fuddion mewn nwyddau a gewch chi.

5 Manylion ariannol – parhad

5.3 Incwm o hunangyflogaeth



Nodwch y manylion a ddangosir ar eich ffurflen hunanasesu am y flwyddyn fasnachu a ddaeth i ben yn ystod y cyfnod rhwng 6 Ebrill 2024 a 5 Ebrill 2025.

Os na allwch roi'r symiau i ni, dylech roi amcangyfrif inni a nodi 'E' wrth ochr y swm ar y ffurflen.



Gall tystiolaeth o'ch incwm o hunangyflogaeth gynnwys:

- llungopi o'ch ffurflen dreth hunanasesu **neu**
- lythyr gan eich cyfrifydd yn cadarnhau eich incwm

Os ydych chi'n gyfarwyddwr cwmni, anfonwch:

- lungopi o'ch P60 **a/neu**
- lungopi o'ch P11D **neu**
- gadarnhad annibynnol o'ch enillion a'ch ffioedd cyfarwyddwr gan gyfrifydd siartredig neu ardystiedig neu gan HMRC.

5.4 Llog gros gan fanciau neu gymdeithasau adeiladu



Dylech anfon tystiolaeth o log gros gan fanc neu gymdeithas adeiladu os mai hwn yw unig ffynhonnell incwm eich cartref.



Gall tystiolaeth o'ch incwm o log gros gan fanciau neu gymdeithasau adeiladu gynnwys:

- datganiadau banciau neu gymdeithasau adeiladu

5.5 Incwm o fuddsoddiadau eraill



Bydd angen ichi anfon tystiolaeth o incwm o fuddsoddiadau eraill os mai hyn yw unig ffynhonnell incwm eich cartref.



Gall tystiolaeth eich incwm o fuddsoddiadau eraill gynnwys:

- datganiadau banciau neu gymdeithasau adeiladu **neu**
- datganiad llog blynyddol **neu**
- talebau difidendau

5 Manylion ariannol – parhad

5.6 Incwm o eiddo a osodir neu rent



Gall tystiolaeth o'ch incwm o eiddo, gosodiadau neu rent gynnwys:

- llungopi o'ch ffurflen dreth hunanasesu **neu**
- lythyr gan eich cyfrifydd yn cadarnhau eich incwm

5.6.1 Cynllun Rhentu Ystafell



Mae arnom ni eisiau gwybod faint o'ch incwm o eiddo, gosodiadau neu renti a gewch chi trwy'r cynllun Rhentu Ystafell, oherwydd mae unrhyw incwm hyd at £7,500 y flwyddyn yn ddi-dreth o dan y cynllun hwn. Mae hyn yn golygu na wnaiff unrhyw incwm o'r cynllun Rhentu Ystafell o dan y trothwy hwn gyfrif fel incwm at ddibenion eich asesiad o gyllid myfyrwyr.



- llungopi o'ch ffurflen dreth hunanasesu **neu**
- lythyr gan eich cyfrifydd.

5.7 Mathau eraill o incwm



Dylech gynnwys unrhyw incwm arall a gawsoch yma, er enghraifft:

- Ysgoloriaethau, ysgoloriaethau ymchwil, bwrsariaethau, dyfarniadau, grantiau a lwfansau na ddatganwyd yn flaenorol.
- Taliadau eraill a gewch chi am fynychu eich cwrs yn ystod y flwyddyn academiaidd.
- Unrhyw daliadau gan gyflogwr sy'n eich rhyddhau i fynychu'ch cwrs yn ystod y flwyddyn academiaidd.
- Unrhyw gyflog a gewch chi gan eich cyflogwr tra byddwch chi'n astudio eich cwrs. Mae hyn yn cynnwys gwaith y byddwch wedi'i orffen cyn i'r cwrs gychwyn, neu waith y cewch daliad amdano ymlaen llaw ac a wneir gennych chi ar ôl i'r cwrs ddod i ben.
- Taliadau diswyddo neu iawndal am golli swydd. Rhaid i chi gynnwys cyfanswm llawn eich taliad diswyddo, hyd yn oed os nad ydych chi'n disgwyl talu unrhyw dreth arno.
- Lwfansau maethu neu letya os ydyn nhw'n daliadau rheolaidd a gaiff gofalwyr maeth i dalu costau cadw plentyn.
- Yn achos buddion trethadwy mewn nwyddau, anfonwch eich P11D os gwelwch yn dda.

Os byddwch chi'n talu unrhyw gyfran o bensiwn i bartner blaenorol oherwydd gorchymyn a wnaed o dan Ddeddf Achosion Priodasol 1973 neu'r Ddeddf Partneriaethau Sifil 2004, peidiwch â chynnwys y swm hwn fel rhan o'ch incwm pensiwn. Os ydych chi'n talu unrhyw gyfran o bensiwn i bartner blaenorol oherwydd gorchymyn a wnaed o dan Ddeddf Achosion Priodasol 1973 neu Ddeddf Partneriaethau Sifil 2004, rhaid ichi gynnwys y swm hwn fel rhan o'ch incwm o bensiynau.

5 Manylion ariannol – parhad

5.7 Mathau eraill o incwm



Os ydych chi wedi datgan unrhyw fathau eraill o incwm, mae angen i chi anfon llungopïau o dystiolaeth atom i gadarnhau'r cyfanswm a gawsoch yn ystod blwyddyn dreth 2024-25.

5.8 Plant dibynnol



Rhaid ichi gynnwys unrhyw incwm a gaiff y plentyn trwy weithio, o log a enillwyd ar gynilon, o fuddsoddiadau ac o unrhyw daliadau cynhaliaeth rydych yn disgwyl eu cael ar gyfer eich plant fel rhan o'u hincwm **hwy** yn y cwestiwn hwn.

Peidiwch â chynnwys incwm o ffynonellau megis Budd-dal Plant, Credyd Treth Plant, elfen plant Credyd Cynhwysol, Cronfa Ymddiriedolaeth Plant y Llywodraeth neu symiau bychan iawn o arian o ffynonellau eraill wrth nodi incwm plentyn dibynnol.



Rhaid i chi anfon copi o dystiolaeth sy'n dangos incwm y plentyn o bob ffynhonnell ar ôl treth a chyfraniadau nawdd cymdeithasol ym mlwyddyn dreth 2023-24.

Atwrneiaeth



Os na allwch chi lofnodi'r ffurflen, rhaid i'ch atwrnai lofnodi'r ffurflen ar eich rhan. I ganiatáu Atwrneiaeth i unigolyn, bydd angen i chi lenwi ffurflen gyfreithiol gan nodi ei enw, y cyfnod penodol y gall weithredu ar eich rhan, a'r tasgau penodol y gall berfformio. Rhaid anfon y llythyr Atwrneiaeth gyda'r cais cyn gellir derbyn llofnod gan yr atwrnai hwnnw.

Hysbysiad Preifatrwydd



Mae'r Cwmni Benthyciadau Myfyrwyr (SLC) a Llywodraeth Cymru yn Rheolyddion Data ar y cyd dan Ddeddfwriaeth Diogelu Data. Rydym yn cadw gwybodaeth at y dibenion a nodir yn ein datganiad i'r Comisiynydd Gwybodaeth, yn cynnwys mesur cymhwysra i gael cyllid myfyrwyr, asesu uchafswm y cymorth ariannol sydd ar gael, talu cyllid myfyrwyr a chanfod ac atal twyll, a gallwn ddefnyddio'r wybodaeth i wneud unrhyw un o'r rhain.

Am ragor o wybodaeth ynghylch sut y defnyddir eich gwybodaeth, pwy sy'n gyfrifol amdani, a'r hawliau sydd gennych mewn cysylltiad â hyn, gweler ein Hysbysiad Preifatrwydd llawn sydd ar gael ar-lein ar www.cyllidmyfyrwryrcymru.co.uk/hysbyseb-preifatrwydd

Os nad oes gennych chi fynediad i'r rhyngrwyd, ffoniwch ni ar **0300 200 4050** a gallwn anfon copi atoch.

Y camau nesaf ar eich taith cyllid I fyfyrwyr

1

Byddwch **chi** yn llenwi ac yn dychwelyd eich ffurflen gais atom, ynghyd ag unrhyw dystiolaeth, cyn gynted ag y bo modd.

Rydych chi yma

2

Byddwn **ni** yn prosesu eich cais. Os bydd gwybodaeth ar goll neu'n anghywir, byddwn ni'n cysylltu â chi. Ar ôl cael yr holl wybodaeth angenrheidiol, byddwn yn anfon llythyr Hawl i Gael Cyllid i Fyfyrwyr atoch chi.

3

Byddwch **chi** yn dangos eich llythyr Hawl i Gael Cyllid i Fyfyrwyr i'ch prifysgol neu'ch coleg (os byddan nhw'n gofyn am ei weld).

4

Byddwn **ni** yn talu eich Benthyciad Ffioedd Dysgu yn uniongyrchol i'ch prifysgol neu'ch coleg ar ôl iddyn nhw ein hysbysu eich bod chi'n mynychu eich cwrs (os yw'n berthnasol).

Byddwn **ni** yn talu eich Grant Cwrs, fel un rhandaliad, yn uniongyrchol i'ch cyfrif banc gan ddefnyddio'r manylion a gawsom gennych chi (os yw'n berthnasol).